



## Doorashada baarlamaanka ee 2015

### **Doorashada baarlamaanka**

Doorashada baarlamaanka waxaa la qabtaa afartii sanoba mar. Doorashadan waxaa la doortaa golahii baarlamaanka oo ka kooban 200 oo xildhibaano ah kuwii iayagu inoo go'aamin lahaa danaheena guud. Sannadka 2015 doorashada baarlamaanka waxaa la qabanayaa Axadda 19.4.2015.

### **Shaqada baarlamaanka**

Finland sida dastuurku qabo Awooda waxaa iska leh shacabka Finland. Shacabka ayaa u soo xusha oo u doorta in baarlamaanku go'aamiyaan arimaha wadanka.

Shaqada ugu muhiisan ee baarlamaanku waa xeer dajinta, xeerarkaa oo ah kuwa ay bulshadu ku kala socoto.

Shaqada labaad ee ugu muhiimsan ee baarlamaanku waa in uu go'aamiyo bajadka dawladda. Bajadka ama qiimaynta dhaqaalaha waxaa la qoondeeyaa, Halka ay dawladdu dhaqaalaha ka heleysaa iyo halka ay dhaqaalahaas ku bixin doonto. Golaha baarlamaanku wuxuu kaloo u xilsaaran yahay maaraynta iyo daryeelida dhaqaalaha dowladda.

Baarlamaanka ayaa doorta ra'iisal wasaaraha wadanka dawladda u madaxda noqonaya, iyagaana ilaaliya shaqada dawladda. Waxaa intaasi dheer oo baarlamaanku go'aamiyaa, aragtida ay dawladda Finland ka qabto arimo fara badan oo la xiriira Midowga Yurub.

### **Yaa codayn kara?**

Doorashada golaha baarlamaanka waxaa codayn kara qof kasta oo Finlandeeyah, oo 18 sano u buuksantay ugu dambayn maalinta doorashada 19.4.2015.

Haddaad xaq u leedahay inaad doorashada baarlamaanka codayso. Boostada ayaa laguugu soo dirayaa kaar ogeysiin ah. Waxaa boosta lagu soo diraa kaarkaas bisha kow iyo tobnaad.

Kaarka ogeysiinta waxaa ku qoran magacaaga, maalinta doorashada iyo wakhtiga hordhac ahaan loo sii codayn karo, waxaa kaloo ku qoran meesha aad maalinta doorashada ka codayn karto.

Kaarka ogeysiinta ah waxaa sidoo kale ku qoran liiska goobaha sida hor dhaca ah looga sii cod bixin karo ee gurigaaga u dhow iyo arimo kale oo muhiim ah oo xog doorashada ku saabsan ah.

### **Yaad u codayn kartaa?**

Waxaad codkaaga siin kartaa qof isagu musharax u ah doorashada baarlamaanka oo nawaaxiga aad ku nooshahay laga dooranayo.

Finland waxaa loo qaybiyey 13 qaybood deegaamada doorashada. Deegaan walbana wuxuu leeyahay dad u gaar ah oo deegaankaas musharaxiin u ah. Deegaanka doorashada ee aad ka tirsan tahay wuxuu ku qoran yahay kaarka ogeysiinta.

Warbixin ku saabsan musharaxyada waxaad tusalee ahaan ka heli kartaa wargeysyada, taleefisinada ama internetka ciwaanka ah [www.vaalit.fi](http://www.vaalit.fi).

Qof walba oo isa soo sharaxay wuxuu leeyahay lambar musharax oo u gaar ah. Deegaanka doorashada ee aad ka tirsan tahay dadka iska soo sharaxay lambaradooda waxaad ka heleysaa goobaha cod bixinta. Dadka isa soo sharaxay xayaysiisyadooda doorashadana waxaa sida caadiga ah ku qoran lambaradooda lagu dooranayo.

### **Sir ahaanta doorashada**

Qof waliba isagaa iska leh go'aanka ah inuu codaynayo iyo in kale.

Sidoo kalana qof kastaa isaga ayaa go'aankeeda leh,  
qofka uu doonayo inuu u codkiisa siiyo.

Xuquuqda cod bixinta waxaa ka mid ah, in doorashadu sir qofka codaynaya u ahaato.

Taas macneheedu waa, uma baahnid inaad  
qofna u sheegto musharaxa aad u codaynayo.

### **Goorma ayaad codayn kartaa?**

Waxaad codkaaga doorashada dhiiban kartaa  
ama maalinta doorashada ama maalinta doorashada intaan la gaarin ka hor  
marka ay cod bixinta hordhaca ahi bilaabato.

### **Cod bixinta maalinta doorashada**

Maalinta cod bixinta doorashadu waa Axadda 19.4.2015.

Maalinta cod bixinta doorashada goobaha cod bixintu  
waxay furan yihiin saacaddaha 9-20.

Waxaad kaliya oo ka cod bixin kartaa goobta cod bixinta,  
ee kaarkaaga ogeysiinta ku qoran.

### **Cod bixinta hordhaca ah**

Haddii aadan awoodin ama aaddan doonayn inaad codayso maalinta cod bixinta,  
waxaad codkaaga doorashada ku dhiiban kartaa hordhac ahaan.

Waxaad markaas ka cod bixin kartaa goob kasta  
oo ka mid ah goobaha loogu talagalay cod bixinta hordhaca ah  
oo Finland ama dalka dibadiisa ku taala.

Cod bixinta hordhaca ahi waxay bilaabmaysaa 8.4.2015  
waxayna ku eg tahay oo dhammaanaysaa 14.4.2015.  
Ka hubso cod bixnta hordhaca ah goobaha ay ka dhici doonaan  
wakhtiyada ay furan yihiin liistada  
la socotay kaarka ogeysiinta cod bixinta ee laguu soo diray  
ama internetka ciwaanka [www.vaalit.fi](http://www.vaalit.fi)

### **Yaad caawimaad ka heleysaa?**

Hawl-wadeedada goobaha cod bixinta iyo caawiyeyaasha cod bixinta  
ayaa kaa caawimaya oo ku siinaya talooyin marxalad kasta.  
Haddii aad u baahato caawimaad markaad cod bixinayso,  
waxaad inay ku caawimaan ka codsanaysaa caawiyeyaasha cod bixinta  
inay kuu raacaan qolka yar ee cod bixinta.  
Waxaa sidoo kale inuu caawiye cod bixinta kaa caawiyo kuu noqdo  
u soo xulan kartaa oo u soo wadan kartaa qofkaa doonto.  
Caawiyaha cod bixintu cidna uma sheegi karo,  
qofka aad u codaysay.

### **Ku cod bixnta guriga**

Haddii aad tahay qof si halis ah naafo u ah  
amase mudo dheer bukto jiro ah la jiifay,  
Waxaad codkaaga doorashada ku dhiibin kartaa gurigaaga adigoo jooga.  
Soo ogeysi haddii sidaasi jirto degmadaada xarunteeda dhewe ee doorashada,  
adigoo ama taleefan ku soo ogeeysiinaya ama foom aad soo buux-buuxisay ku soo ogeysiinaya.  
ka hor 7.4.2015 ugu dambayn saacaddu markay tahay 16.00.  
Gudiga doorashada taleefan lambarkooda  
waxaad ka helaysaa kaarka ogeysiinta cod bixinta ee laguu soo diray.  
Sidoo kale qofka haya oo daryeela qof ehelediisa ah wuxuu isa soo qori karaa  
inuu guriga ku codeeyo.  
Isbitaalada iyo xarumaha dadka lagu hayo qofkii ku jiraa  
wuxuu codkiisa doorashada ku dhiibin karaa hordhac ahaan,  
haddii uu meel xarun ku jiro.

### **Cod bixinta ka hor**

Goobaha cod bixnta markaad imaanayso horay u soo qaado  
aquoonsigaaga, sida  
baasaboor, teesare ama kaarka aquoonaaga ama laysanka baabuurta  
ama wixii kale oo aquooni dawliya oo aad haysato,  
oo sawirkaagu ku yaal.  
Goobaha cod bixinta  
waxaa kuugu diyaar ah hawl-wadeenada doorashada.  
Kuwaas oo marka hore hubinaya aquoonsigaaga  
iyagoo eegaya aquoonaaga shakhsii ee aad wadato  
ka dibna waxay ku siinayaan warqadda codka lagu bixiyo.

### **Sidan baad u codaynaysaa maalinta doorashada**

1. Gal marka hore qolka yar ee cod bixinta si aad u soo buuxiso warqadda cod bixinta.  
Ugu qor warqadda cod bixinta si cad lambarka qofka aad doonayso inaad codkaaga siiso.  
Hal qof kaliya ayaad dooran kartaa oo codkaaga siin kartaa.  
Haddii aaddan xasuusan lamabriisa,  
ka fiirso lambarka liistada musharaxiinta  
ee ku dhagan qolka yar ee cod bixinta darbigiisa.  
Ha ku qorin warqadda cod bixinta wax kaleeto  
oo aan ka ahayn lambarka musharaxa aad u codaynayso.
2. Dhexda iskaga laab warqadda cod bixinta, si aan qofna u arag lambarka aad u codaysay.  
Warqadda cod bixinta waxaa laguu calaamadiyey,  
meesha aad iskaga laabi karto.
3. Ka dib waxaa ku noqotaa oo u tagtaa hawl-wadeenada doorashada.  
Hawl-wadeenka doorashada ayaa warqadda meeshii aad iskaga laabtay ka shaabadaynaya oo tiimbare saaraya.
4. Ku rid warqadda cod bixinta oo isku laaban sanduukha doorashada.

### **Sidan baad cod bixinta hordhaca ah u samayn kartaa**

1. Gal marka hore qolka yar ee cod bixinta si aad u soo buuxiso warqadda cod bixnta.  
Ugu qor warqadda cod bixinta si cad lambarka qofka aad doonayso inaad codkaaga siiso.  
Hal qof kaliya ayaad dooran kartaa oo codkaaga siin kartaa.  
Haddii aaddan xasuusan lamabriisa,  
Ka hubso nawaaxiga aad dagan tahay  
liistada musharaxiinta, ee taala  
goobaha sida hordhaca ah looga sii cod bixin karo.  
Ha ku qorin warqadda cod bixinta wax kaleeto  
oo aan ka ahayn lambarka musharaxa aad u codaynayso.
2. Dhexda iskaga laab warqadda cod bixinta, si aan qofna u arag lambarka aad u codaysay.  
Warqadda cod bixinta waxaa laguu calaamadiyey,  
meesha aad iskaga laabi karto.
3. Mar alle iyo markaad buuxiso oo ku qorto lambarka qofka aad dooranayso inad codkaaga siiso warqadda cod bixinta,  
Ka dib waxaa ku noqotaa oo u tagtaa hawl-wadeenada doorashada.

Hawl-wadeenka doorashada ayaa warqadda meeshii aad iskaga laabtay ka shaabadaynaya, wuxuuna ku siinayaa baqshaddii doorashada oo kafee midab keedu yahay.  
Ku rid warqadda cod bixinta baqshadda

ka dibna xir oo isku koolay.

4. Intaas ka dib ayaa hawl-wadeenku kaa codsanayaa inaad saxiixdo foom.

Saxiixa aad foomkaas saxiixayso wuxuu u dhigmaa dhaar aad ku dhaaranayso inaad adigu warqadda cod bixinta buux-buuxisay, iyo in hawl-wadeenku uu shaabadeeyey baqshada oo aad adigu xirtay baqshadana ku riday oo koolada ku dhajisay.

5. Gabagabadii hawl-wadeenka ayaa ku xiraaya baqshadda cod bixinta iyo foomkii aad saxiixday baqshad jaalo ama huruud ah oo ah tii lagu diri lahaa, ka dibna wuxuu u diraya xarunta dhexe ee doorashada qaranka.

Sidaas ayaad ku cod bixisay waana bixi kartaa oo ka tagi kartaa goobta cod bixinta.

-----  
Warqadda sharaxaysa cod bixinta waxaad ka helaysaa internetka ciwaanka ah [www.vaalit.fi](http://www.vaalit.fi) iyo [www.papunet.net/selko](http://www.papunet.net/selko)

Wasaaradda Caddaaladda

*Selkokeskus (Xarunta dhexe ee tusmada iyo tusaalaynta)*